

ÁKVÖRÐUN FRAMKVÆMDASTJÓRNARINNAR

2001/EES/26/24

frá 26. júlí 1999

um framkvæmd ákvörðunar ráðsins 1999/280/EB um reglur bandalagsins um upplýsingar og samráð um kostnað við hráolíukaup og um neysluverð á jarðolíuafurðum(*)

(tilkynnt með númeri C(1999) 1701)

(1999/566/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af ákvörðun ráðsins 1999/280/EB um reglur bandalagsins um upplýsingar og samráð um kostnað við hráolíukaup og neysluverð jarðolíuafurða ⁽¹⁾, einkum 8. gr.,

og að teknu tilliti til eftirfarandi:

- 1) Æskilegt er að aðildarríkin setji fram upplýsingarnar, sem fjallað er um í ákvörðun 1999/280/EB, þannig að þær gefi eins skýra mynd og mögulegt er af olíumarkaðinum í hverju aðildarríki.
- 2) Slíkar upplýsingar skal birta á viðeigandi formi.
- 3) Aðildarríkin og framkvæmdastjórnin skulu hafa með sér samráð um upplýsingarnar sem safnað er.
- 4) Nauðsynlegt er að staðla tæknilega þætti upplýsingakerfisins. Því ber að skilgreina upplýsingarnar sem á að senda.
- 5) Í ákvörðun framkvæmdastjórnarinnar 77/190/EBE⁽²⁾, eins og henni var síðast breytt með lögum um aðild Austurríkis, Finnlands og Svíþjóðar, var mælt fyrir um fyrirmynd að spurningalistum sem krafist er að aðildarríkin noti þegar þau veita framkvæmdastjórninni

upplýsingar um verð á hráolíu og jarðolíuafurðum í bandalaginu. Þar sem ný framsetning, samkvæmt skilgreiningum í þessari ákvörðun, kemur í stað þessarar fyrirmyndar að spurningalistum ber þar af leiðandi að fella niður ákvörðun 77/190/EBE.

SAMÞYKKT ÁKVÖRÐUN ÞESSA:

1. gr.

Upplýsingarnar, sem aðildarríkin skulu veita framkvæmdastjórninni samkvæmt 1. gr. ákvörðunar 1999/280/EB, skulu teknar saman í samræmi við skilgreiningarnar í viðaukanum.

2. gr.

Framkvæmdastjórnin skal, í samræmi við 4. gr. ákvörðunar 1999/280/EB, birta vikulega og mánaðarlega upplýsingarnar, sem aðildarríkin senda henni, í fréttabréfi sem ber heitið „Olíufréttir“.

3. gr.

(*) Þessi EB-gerð, sem birtist í Stjttíð. EB L 216, 14.8.1999, bls. 8, var nefnd í ákvörðun sameiginlegu EES-nefndarinnar nr. 31/2000 frá 31. mars 2000 um breytingu á IV. viðauka (Orka) við EES-samninginn. Sjá EES-viðbæti við Stjórnartíðindi Evrópubandalaganna nr. 27, 15.6.2000, bls. 10.

⁽¹⁾ Stjttíð. EB, L 110, 28.4.1999, bls. 8.

⁽²⁾ Stjttíð. EB, L 61, 5.3.1977, bls. 34.

Aðildarríkin skulu hafa með sér samráð innan starfshóps, sem skipaður er fulltrúum aðildarríkjanna, og skiptast á skoðunum með reglulegu millibili um upplýsingarnar sem safnað er og birtar eru samkvæmt ákvörðun 1999/280/EB.

4. gr.

Ákvörðun 77/190/EBE falli hér með brott.

5. gr.

Ákvörðun þessari er beint til aðildarríkjanna.

Gjört í Brussel 26. júlí 1999.

Fyrir hönd framkvæmdastjórnarinnar,

Christos PAPOUTSIS

framkvæmdastjóri.

VIDAUKI

Skilgreining á upplýsingunum sem aðildarríkjunum ber að senda framkvæmdastjórn bandalaganna:

1. mánaðarlegur kostnaður við hráolíukaup (cif-verð),
2. neysluverð jarðolíufurða, sem í gildi er 15. dag hvers mánaðar, bæði að meðtöldum og að frádrögnum tollum og sköttum,
3. verð á jarðolíufurðum, sem í gildi er á hverjum mánudegi, að frádrögnum tollum og sköttum.

Mánaðarlegur kostnaður við hráolíukaup (cif-verð)

1. og 2. lína eiga við um heildarkaup í viðkomandi mánuði.

„Kostnaður við kaup“: kostnaður við hráolíuinnflutning, afhendingu frá öðrum aðildarríkjunum og hráolíu sem er framleidd í aðildarríkinu.

„Innflutningur“: öll hráolía sem er flutt inn í bandalagið í öðrum tilgangi en til umflutnings og ætluð er til þarfa aðildarríkis.

„Afhendingar“: öll hráolía sem er flutt inn á yfirráðasvæði aðildarríkis frá öðru aðildarríki í öðrum tilgangi en til umflutnings og ætluð er til þarfa aðildarríkisins.

„Hráolía framleidd í aðildarríki“: olía sem er framleidd og hreinsuð í viðkomandi aðildarríki ef slík framleiðsla er meira en 15 % af árlegum heildarhráolíukaupum þess.

Meðalkostnaður miðað við cif-verð merkir veginn meðalkostnað við heildarhráolíukaup á mánuði. Inni í cif-verði er fob-verðmæti (raunverulegt reikningsverð í útskipunarhöfn), flutningskostnaður, váttrygging og tiltekin gjöld vegna umfermingar á hráolíu. Innflutningsvirði hráolíu, sem framleidd er í aðildarríki, er reiknað frítt í uppskipunarhöfn eða frítt við landamæri, þ.e. um leið og hráolían fellur undir tollalögsögu innflutningslandsins.

Aðildarríkin skulu gefa upp *meðalkostnað miðað við cif-verð* í dollurum.

Aðildarríkin skulu senda 1. töflu til framkvæmdastjórnarinnar innan mánaðar frá lokum viðkomandi mánaðar.

Framkvæmdastjórnin skal birta upplýsingarnar, sem eru sendar, í Olíufréttum í dollurum og í evrum. Mánaðarlegt gengi evrunnar gagnvart dollarnum verður ákveðið í samræmi við opinbert markaðsgengi ⁽¹⁾.

Aðildarríki:		KOSTNAÐUR VIÐ HRÁOLÍUKAUP		1	Tímabil:
Lína nr.		Kostnaður miðað við cif-verð		Athugasemdir	
		Heildarrúmmál (í þúsundum tunna og þúsundum tonna)	Meðalkostnaður miðað við cif-verð (á tunnu og á tonn)		
			\$		
1	Heildarkaup í þúsundum tunna og í dollurum á tunnu				
2	Heildarkaup í þúsundum tonna og í dollurum á tonn				

Skilgreining á neysluverði jarðolíuvara sem í gildi er 15. dag hvers mánaðar

Í hverri línu frá 1 til og með 7 eru upplýsingar um neysluverð á jarðolíufurðum fyrir tiltekna hópa notenda á tilteknum degi.

„Verð til tiltekinna hópa notenda“ merkir:

— dæluverð þegar um er að ræða *eldsneyti fyrir ökutæki*,

⁽¹⁾ Birt í C-deild *Stjórnartíðinda Evrópubandalaganna*.

- smásöluverð vegna einkanota, þ.e.a.s. fyrir afhendingu á 2000 til 5000 lítrum þegar um er að ræða *eldsneyti til húshítunar (gasolíu til upphítunar)*; fyrir afhentan skammt undir 2000 lítrum getur atvinnurekstur einnig komið til greina,
- smásöluverð til notenda fyrir afhentan skammt undir 2 000 tonnum á mánuði eða undir 24 000 tonnum á ári þegar um er að ræða *eldsneyti til atvinnureksturs*.

Raunverð merkir það raunverulega verð til notenda sem er í gildi 15. dag hvers mánaðar:

- með *raunmeðalverði* fyrir hverja afurð í 1. til og með 7. línu er átt við það verð sem oftast er notað, þ.e.a.s. vegið meðaltal fyrir verðið í röðinni bæði að meðtöldum og að fráregnum tollum og sköttum.

Upplýsingarnar, sem eru sendar, skulu birtar í *Oliufréttum* í innlendum gjaldmiðlum og í evrum.

Gengi evrunnar, sem tekið verður tillit til, er það sem er í gildi 31. desember 1998 að því er varðar lönd á evrusvæðinu en fyrir önnur lönd er notað gengið sem Seðlabanki Evrópu birtir 15. hvers mánaðar.

Aðildarríki:	NEYSLUVERÐ JARDOLÍUAFURÐA	2	Tímabil:
	í innlendum gjaldmiðli		

Lína nr.	Heiti jarðolíuafurðar	Eining	Raunverð		
			Að meðtöldum tollum og sköttum	Tollar og skattar	Að fráregnum tollum og sköttum
	Vélaeldsneyti				
1	Blýbætt gæðabensín	í þúsundum lítra			
2	Euro-95 gæðabensín	í þúsundum lítra			
3	<i>Disilolía</i>	í þúsundum lítra			
4	<i>Fljótandi oliugas (LPG)</i>	í þúsundum lítra			
	Eldsneyti til húshítunar				
5	<i>Gasolía til upphítunar</i>	í þúsundum lítra			
	Eldsneyti til atvinnureksturs				
6	<i>Brennsluolía</i> (brennisteinsinnihald > 1%)	í tonnum			
7	<i>Brennsluolía</i> (brennisteinsinnihald ≤ 1%)	í tonnum			

Skilgreining á verði, sem í gildi er á hverjum mánudegi, að frádragnum tollum og sköttum

Aðildarríkin skulu senda framkvæmdastjórninni upplýsingar um verð á jarðolíuafurðum að frádragnum tollum og sköttum, sem í gildi eru á hverjum mánudegi, eigi síðar en á hádegi á þriðjudegi.

„Jarðolíuafurðir“ merkir:

Vélaeldsneyti

- blýbætt gæðabensín
- Euro-95 gæðabensín
- dísilolía
- fljótandi olfugas (LPG)

Eldsneyti til húshatunar:

- gasolía til upphitunar

Eldsneyti til atvinnureksturs:

- brennsluolía með meira brennisteinsinnihald en 1 %
- brennsluolía með 1 % brennisteinsinnihald eða minna.

„Verð til tiltekinna hópa notenda“ merkir:

- dæluverð á hverja 1000 lítra þegar um er að ræða eldsneyti fyrir ökutæki,
- smásöluverð til notenda fyrir 1000 lítra þegar um er að ræða eldsneyti til húshatunar (gasolíu til upphitunar); þ.e.a.s. fyrir afhendingar á 2000 til 5000 lítrum; fyrir afhentan skammt undir 2000 lítrum getur atvinnurekstur einnig komið til greina,
- smásöluverð til notenda fyrir afhentan skammt undir 2 000 tonnum á mánuði eða undir 24 000 tonnum á ári þegar um er að ræða eldsneyti til atvinnureksturs.

Verð að frádragnum tollum og sköttum, sem aðildarríkin senda, er það verð sem oftast er notað og er byggt á vagnu meðaltali. Í aðildarríkjum, þar sem stórar verslanir taka til sín yfir 20 % af landsneyslu, skal tekið tillit til verðs þeirra.

Framkvæmdastjórnin skal birta upplýsingarnar vikulega í Olíufréttum í innlendum gjaldmiðli og í evrum. Gengi evrunnar, sem tekið verður tillit til, er það sem er í gildi 31. desember 1998 að því er varðar lönd á evru-svæðinu en fyrir önnur lönd er notað gengið sem Seðlabanki Evrópu birtir á hverjum mánudegi klukkan 14.15.

Upplýsingar um vikulegt verð að frádragnum tollum og sköttum verða ekki birtar ef deildir framkvæmdastjórnarinnar eru lokaðar.

Ef mánudagur er lögboðinn frídagur í aðildarríki má fresta birtingu til miðvikudags að beiðni aðildarríkis.